

kinasare'edan kani mulri na ma'inay

kinatalrimayan na wari, sare'edan ku da marepana'uwa ta diya!
tivutivus ira ku sare'edan kannu! muruma' ku ira kanangku kadekalran,
alralru ku semangalan di talrimayan, adi ku parangeranger da kuwaani ku
kana sadu anger, mareanger ku ira a kadu u diya, mu'iva'ivat u kani i
henan, di man kemani mi'edeng u ira kani i henan? Iramu kirepauwa kanu
anger! aymu sakuduwadu ta su'eraman kanu!

adiyu diya, marayas ta mena'u kanu musarusaruk i makalusu kana
kidakiday di pudadalan u i henan, di kemedekedeng u da 'enun,
mavangavang u da sasaleman di kare'aniyan da sinaleman, venavaaw u da
vuyu, maymay, vulraw, harem ira mu, uniyan ira caucauwa i kani, di
kurelrang ku anger marawraw.

ku kiyaangeraw adiyu diya, ulra a saya wari, kana amere' di na uniyan
a saysaya a vitu'en na ka'aremengan, kurevali ta kana calringcing na vali,
mitulus ku kanannu 'iray tu sadekuwan, kemakawang ta kana malikalikaw
i 'ida'idang, patawatawar ta kemakawang mukuwa kananu rineca'an da
pecir...

muraruma' ta ira mu, nu papadekay ku kana aludun na rawa, ku
semangalan malalup ku kanangku nanayan kanantu kinaracan na
Iringadalan.

mareanger ku ira, kemani ku kana mivati, maruwa ku miinlrangan da
valisen ku diya, kurelrang kannu, mukasa ta kanidu na adi ku karuwa
malalup di muteres ira kani ukaukak , pakumau ku kananu ipana'u kaningku
danu kinasayhuwan, surimetan,di nanu miirayan da kakuwayanan, mau
nanta itaturusan ira!

semangalan! Irayuwan! kemaya ku kananu ipakavulay kanangku
inlrangan da tinucauwan.

adi ku ira maranger muvuruk, maranger ku muvilin kani, aymu ta
kudayaw, melri nu karuwa pinakalrawa daku kiyakarunan! nu kaidanan
ira raruma' ku diya, kananu 'inumayan, kuy kirungecaw kemawan adiyu
diya kana sadeku kani a! Irayuwan ku kannu imu wa!

(文章大意 僅供參考) ※字數限 200 字

我最想念的外公

期盼的日子，終於重返舊居，原本滿懷雀躍與期待相間的心，為何就這麼瀟灑的安息在山林的懷抱？心痛無比啊！想當年，我們，吹著冷冽的寒風之夜，我跟著你溫暖的火把，在蜿蜒轉折的山脊，一步步朝著放捕獸器的地點，返程的道路，我揹著笨重的獵物，心中的喜悅已蓋過了被「咬人狗」螫的刺痛感。

我何其有幸，「少年」能和你走上一段刻骨銘心的一夜，外公的智慧、勤勞、謙卑的精神，豐富了我的生命！謝謝你！你是我們學習的典範啊！